

上海醫圖報

己酉四月上海醫學研究所發行

第
三
期



本報分售處

南倉萬福堂藥舖 虹口萬壽康藥舖 新聞養元堂藥舖 八仙

橋天生堂藥舖 邑廟花園蔡仁昌扇店

蘇州胥門內東善長巷蘇省醫學研究所 紹興宣化坊醫藥學社

江陰布政巷醫學會 瀏河鎮醫學研究所 鎮江教育會各報

外埠分售處

代派處 平望東溪河各報代派處 南京白酒坊濮鳳笙君 呂

巷錢杏蓀君 同里錢康侯君 安徽巢縣炯煬祖氏醫廬

本報徵文

本報爲研究醫學集思廣益起見務祈海內高賢各將治驗醫案及一切著作或前人遺集或經驗良方一併寄交上海醫學研究所本報事務處以便按期選登以揚名譽餉後學而濟民生惟不送酬資郵力自給不登者原稿概不檢還





錄

目



期

本



論文

論治病

學說

真中類中辨 其二

醫案

續痿症 暑犯厥陰

雜錄

續醫經贅言 溫病條辨正誤 詩稿 戒煙簡便方 治愈鎖喉

方案 函件類登

上海醫學研究所公牘

奉 憲考核中西匯通醫書覆稿

上海醫學研究所記事

續二月分報告 閏二月分報告 開辦

針灸傳習所

演說辭

佈告防範鼠疫

佈勸勿吸煙捲



論文

論治病

同里錢康侯稿

良相之治國也必察民情官長之聽訟也必察獄情大將之行軍也必察敵情民情得而後政教行獄情得而後曲直分敵情得而後勝算操醫道亦然未有病情模糊而能救人於垂死起人之生者也古醫師之治病也先審病因之寒熱虛實陰陽真假次探病質之在表在裡在臟在腑再辨之以症憑之以脉辨別既確然後以藥性之寒熱溫涼氣之升降浮沉味之酸苦甘辛按症擇藥合藥成方蓋治病如此其難也而功效亦由是而著今之醫生衆矣而醫學之腐敗已臻極點夙負時名者祇有利己之心絕無濟世之念原其初意非不欲利己與濟世並行但就診者履滿庭中則應診者書擱架上得一得自喜無心研究其學術輒從事於近世類書爲酬應病家之伎倆極其流弊中國歧黃之學供人餬口之資而猶昂昂然自詡曰我名醫也鹵莽滅裂日殺數人尙不肯自認其咎甚而口授甲方手按乙脉精神若此紛用安能洞見癥結欲病之愈也得乎嗚呼今之時代凡百職業莫不優勝而劣敗醫不改良則驅病家就診西醫則中醫無倖存之理蓋觀通商大埠開一醫院也我華人之踵門求治者猶赴市廛設一醫學

校也我華人之報名就業者頗行踴躍非必人人有揚西抑中之見也習見我中醫不振興遂遁而至西醫耳其實治病之道古書中發明理法代有解人視西人解剖之學滯於形質者高下懸殊無如前人立法甚精今人不屑窮究平日臨症不探病本不察藥物專以尋常通套之方而迎合之遂使醉心西法者痛詆中醫之無用此近數年來治病之一變也醫界中其猛省可耳



學說

真中類中辨

上海醫學研究
所月課第一名

任時達 際運

證有猝然倒仆昏暈不語約略言之則曰中風也然細玩中風二字中者如矢石之傷人自外入內之意也風者雖有八風之說實卽虛邪賊風天地間嚴厲肅殺之氣也名曰百病之長實則六氣之一耳中於風者固有倒暈之現象中於寒暑濕痰氣食等邪亦有此等現象是則猝倒昏暈爲真中類中籠統之現證而真中類中斷難籠統以施治此孰謂真孰謂類司命者所當詳爲辨也夫風之爲患輕曰感冒重曰傷風最重則曰中風考之先聖曰夫風之爲病當半身不遂或但臂不遂者此爲痺脈微而數中風使然又曰寸口脈浮而緊緊則爲寒浮則爲虛虛寒相持邪在皮膚浮者血虛絡脈空虛賊邪不瀉或左或右邪氣反緩正氣卽急正氣引邪啗僻不遂邪在於絡肌膚不仁邪在於經卽重不勝邪入於腑卽不識人邪入於臟舌卽難言口必吐涎此仲聖論真中之脈證乃其由淺入深之現象并闢痺症於中風之外真中之面目此論最爲眞確至讀歧伯之論曰中風大法有四不善讀者眞類之界幾爲之淆竊以謂歧伯此論乃論眞中而兼及類中也且眞中亦難免無兼症如中風而或兼挾寒濕等邪是也夫人

而犯中風必元氣先虛所謂邪乘虛入也然邪既乘虛而入豈有虛處純入風邪別邪毫無混入之理乎此真中兼類之論亦不可少但當辨其真類孰輕孰重而施治耳此外論者或以地勢分真類則曰西北高寒風烈真中者多東南卑濕釀熱類中者多或以天時分真類者則曰春夏風氣溫熱雜氣升騰類中者多秋冬風氣凜冽萬類潛藏真中者多或以形體驗真類者則曰自肢體而漸及臟腑者爲真先臟腑而後及形體者爲類諸說皆有可採但不可過於膠執也至氣虛偏右血虛偏左口噤手握爲閉症遺溺自汗爲脫症雖指真中而言實與類中可通論也總之無論真類必正氣先虛營衛不固腠理不密而後邪湊之也正虛而中於虛邪賊風者爲真中正虛而中於寒濕暑喝痰食惡氣等者爲類中又有內風一證乃真陰虧而虛陽化風所謂陽之氣以天地之疾風名之亦當非類中論且真類雖有類似之處實則各有獨別之異如真中風也必喎歪抽搐以顯其善行數變之象自汗脈浮以顯其風爲陽邪之性如類中之中寒也必有身體強直四肢戰慄之寒象或中濕也必有體重足腫之濕象如中暑也必有面垢而或吐或瀉之暑象且必廣廈乘涼瓜果取快者流如中喝也必有燥渴膚熱多汗之熱象而奔走長途勞心烈日者居多如中痰也必痰鳴氣促而有痰欬驚恚者

居多如中食也必噉腐吞酸起於醉飽之後如中惡也必有舉動乖異神氣索然起於入廟登墓臨尸弔喪之後或中氣也雖極似真中而有中風身溫中氣身冷之可辨要之能於望聞問切四診中悉心體認一一詳勘再參以先聖前賢諸論而真中類中自無遁情矣至於治法方書俱在若能辨症分明自不難對症制方但氣體有各別証候有複雜隨機應變心靈手敏之妙自在臨症者之神明善用耳

辨證精切讀書得間

真中類中辨

上海醫學研究
所月課第二名

倪友達 頌兼

名實相符謂之真形是實非謂之類真則自能出類類則或慮掩真是則真之與類不可不辨也如醫學病機中風一門向有真中類中之別脫令施治者觀察不週斟酌未當失之毫釐謬以千里微乎危哉是烏可以弗辨玉機真藏論曰風者百病之長也蓋和風能養人賊風能殺人故曰聖人之避賊風如避矢石焉賊害也即四時不正之氣也其客於人也輕則爲傷重則爲中中者如矢之中於人也中風最爲危險其症有中府中藏中血脈之不同中府者四支廢不識人中藏者口吐涎便閉舌即難言中血脈者喎僻不遂肌膚不仁寸口脈遲而緩甚則閉厥不省虛則元氣暴脫所以續命湯參

附湯治閉脫之要劑而張長沙侯氏黑散填竅息風尤爲中風良法以腠理不密血液
衰少虛邪始侵襲也病或口開目合直視撒手鼾睡汗出如油皆爲中風絕症莫可挽
回矣至於類中風者實非風邪而連類及之也劉河間主乎火故火動卒中而進防風
通聖散李東垣主氣虛而用補中益氣湯法朱丹溪主乎濕由濕生痰而與二陳湯之
類何嘗用中風之劑也哉然不名火中濕中虛中而曰類中風何也蓋火中之熱氣拂
鬱心神昏冒與真中之恍惚悶亂同其痹鬱虛中之卒倒昏憤痰生氣壅虛而下陷與
真中之痰厥氣逆嘔吐瀉利同其情濕中之頭重體痛四支倦怠與真中之手足緩弱
身體沉重同其形有此種種相同之質點其辨之也甚難然而無難也夫風邪自外而
入表症也火鬱自內而發裡症也風者有餘之症也氣虛者不足之症也風者善行而
數變濕則著而不行若能體會入微詳參四診未有或失也其名類中風者正以別於
真中風而恐誤治也

羅羅清疏頭頭是道

醫案

續痿症治驗

澤瀉苡仁木通黃柏牛膝土茯苓丹皮甘草稍桑皮等服三劑兩足漸能起立後以北沙參麥冬石斛苡仁甘草茯苓萆薢牛膝知母黃柏桑皮桑枝等再服四五劑步履如常此溼熱流注之痿也又治一乾痿常熱小東門東倉街程筠章自四月寒熱經他醫治至九月先以牛蒡豆豉枳殼厚朴至夏以藿香正氣之類至秋以厚朴枳殼赤苓腹皮等均係燥溼淡滲之品服百餘劑以致遍身肌肉削脫筋脈拘攣四肢拳縮不能伸手不能舉足不能立十餘日未能飲食月餘不能更衣王姓醫依舊香燥淡滲後邀余診見其口唇上吊齒露舌乾不能吸煙使煙膏從齒縫中吞之飲以稀粥噎而難入匝月不更衣衆皆謂爲不起之症余笑曰此症最易治斷斷不死衆問故余曰精不足者補之以味損者益之燥者潤之當先用老肥鴨一隻水海參一斤豬蹄一斤三物用大砂罐煨之糜爛以布濾去渣滓吹去油質將此汁加以蔥姜汁少許醬油酒和好燉溫隨其量飲之使其食管腑道潤滑再論服藥依法製服飲之數日似乎喉間稍爽能下稀粥再以大劑虎潛法去瑣陽服四劑其勢已平再立方熟地一兩菟蓉五錢杞子五

錢牛膝三錢龜版一兩虎骨五錢蹄筋五條麥冬五錢石斛五錢陳酒二兩芝麻五錢煎濃汁飲之以鴨肉海參汁助之服之十餘日大便更燥尿數尺胃納漸甦服之四十天肌膚潤滑兩足漸能起立行走服之百餘劑胃氣大甦兩手漸能舉矣後調理一百餘天手指仍然無力尙不能握管寫小字肌肉雖充肢尙少力今已七年尙未復元如不以大劑滋潤藉灌溉之功此症不死何待服燥藥百餘劑滋膏竭盡醫家病家仍然不悟甚可怪也余故將痿症之乾溼兩條錄之以質高明未識然否

暑犯厥陰

常熟水北門葉姓婦素有肝氣胸痺發時腕痛屢進瓜蒌薤白半夏枳實一劑更衣卽平屢治屢驗是年夏杪是婦雇船下鄉回城受暑溼而見寒熱胸腕阻格作嘔先邀戴姓醫進以胃苓湯加藿香蘇梗此方亦屬不錯而服後反甚邀余診之軼遲而沉汗冷作噦腕中作硬按之甚痛而拒按余視此症乃熱邪夾溼內陷爲小陷胸症無疑進以小陷胸一劑明日更重診軼仍滯不起舌灰潤作噦頻頻湯液不入胸中格如兩截拒按作痛又囁語言澀不出冷肝撮空余竟不解問病家曰大便何如曰大便已澹數日余思小陷胸已錯又屬太陰症矣卽進四逆加人參想此症下利虛痞作噦肢寒顯係

濁陰上犯雖不中病諒亦不遠即將此方與服余歸寓即細心思想起溫病條辨中有暑邪深入厥陰舌灰心下板實嘔噤寒熱下痢聲音不出上下拒格中有椒梅湯法此症頗切黃昏病家至厲云服藥後似乎肢溫汗少神識仍蒙作噦便溏不止余曰將二次藥煎好加仲景烏梅丸四錢將藥汁煎化灌之服後胸膈漸開利止噦停而難安寐明日去診神清言爽余即將烏梅丸原方改作小劑服兩劑痊愈然則醫學一道豈易事哉戴姓之胃苓湯似未必錯胸中拒按余之小陷胸亦切乃皆不合四逆加參似錯而反不遠合之烏梅丸竟克兩劑而痊藥不中病百劑徒然藥能中病一劑而安仲景書豈可不讀哉



雜錄

續醫經贅言

鎮洋傅松元耐寒甫註

手厥陰心胞絡之脈上云心主下云胞絡十二經中只有此文良由古時斷簡之故今改正爲臚中者心主之宮城也心主是手厥陰之脈名胞絡者繫於腎在心下卽手厥陰之藏名其經入掌中循中指出其端所以婦人臨產中衝穴跳動知產門開矣三焦者上焦如霧中焦如瀉下焦如瀆水道出焉豈得謂之有名無形獨張介賓先生云屬藏府之外包一大囊諸君皆忘其囊之爲物耳松不揣杜撰以爲人物之形體雖殊而藏府之生成仿佛上焦者脾膜是也在畜謂之網油中焦者胃下之膈膜在畜爲環油是也下焦者腸外之脂膜在畜是胰脂也若從張子之言直爲一焦非可云三焦也

腦爲髓海臍下有氣海力生氣海魂生髓海如藏府之心肺肝膽腎與胞絡之精氣皆上歸於腦則腦之神健靈通呂祖云炁養靈根精養神正謂此也故人臥則神藏於心魄藏於肺魂藏於肝志藏於膽精藏於腎伎巧藏於胞絡力藏於氣海其於寤則陽氣升於腦五藏之精氣會於顙門則自爲之明耳爲之聰鼻爲之臭口爲之味喉爲之音

神爲之正靈爲之敏腦氣振則諸筋之力生矣腦筋之用力聽腦神之使令如掣電然此則腦體之功用是也若云靈不在腦則觀夫身首異處之人其頭則虛其身則殭况耳目口鼻通靈之具盡在於頭矣

胞絡者先天之太虛也猶果核之仁耳是故腦爲天氣藏府爲地氣女子之子宮男子之外腎交而爲人道是太極也攷周子太極圖說太虛爲父母之胞絡而其造化初生之胚胎先生頭顯其次前生鼻祖下垂命門是故有生以來太極者頭也五行者五藏也五行之下有小太虛者胞絡者也

溫病條辨正誤

江都袁焯桂生氏投稿

小引

溫病條辨一書發明溫病溼溫頗多精義實足爲治溫病溼溫之標準顧其中失考之處亦復不少章虛谷言之於前王孟英陸九芝論之於後固盡人而知之矣焯嘗考其書全本於葉天士臨證指南之方案不知指南一書乃葉氏棄世後門下學者會萃而成非天士本意也其方亦不盡出天士之手紀文達公言之石琢堂亦言之故其中可法者十之五六而不可信者十之四五徐洄溪亦嘗評之矣鞠通不察乃以指南方案

不辨眞僞撰成此書其表彰葉氏究心溫病誠爲人所難能而沿訛襲謬足爲此書之疵累者如以桂枝湯治溫病初起半苓湯治寒溼胸痞此皆大不利於病人而不可諱護者也至其隱微之誤人多忽畧者尤不可枚舉尤可疑者指南以溫病分三焦不論六經謂爲河間之語而鞠通卽本此意亦分三篇孰知河間書中實無此語耶焯嘗欲爲之考正以發明其精粗得失卒以南北奔馳未能成就今夏周生鳳岐囑許此書以資取法嗚呼吾愈不能無言矣因從上焦篇逐條加以按語或表彰其精義或辨明其謬誤不過爲研究病理治法爲初學計以期有裨於實用已耳實非志存攻訐也

未完

紹興醫藥學報和詩

本社上年六月出報上海醫報亦於是月創成古董呂子珊君率成四絕以誌歡迎與本學報適相符合爰爲同人公和四首並次原韻以誌盛事而表同情擬請

上海醫報諸君鑒政

並乞 指謬爲荷

紹興醫藥社編輯員駱保安擬稿

醫聯團體會名流

藥物同源氣自投

願我越中醫藥界

羣情激戰達寰球

藥圃逢春豈偶然

人人爭識個中詮

從茲理想新開闢

腦力精詳血性專

學通中外尙維新 理法相因妙入神 研究全憑交換力 卻教萬病盡回春
報紙風行徧海涯 交通知識豁胸懷 學宜溫故無泥古 融舊爲新勉我儕

經驗戒煙簡便第一方 名曰八一

戒煙方多矣最和平無弊者莫如林文忠之忌酸丸然配製不易價又不廉又以中有補藥之故於戒煙期內或有感冒卽難照服其他市井所售者無慮千百種或失之太霸或失之太和平或中雜以嗎啡無論有效無效而皆不如八一 八一者 每兩中以炒米粉八錢 煙膏一錢 生鹽一錢 爲之配製 初時癮三錢者 服此藥亦三錢 一月後可將藥中之煙膏減去一分 加炒米粉一分 逐漸遞減 至將煙膏減盡爲度 大江南北以此斷癮者 無慮十萬人

此戒煙方有四善焉鹽米隨處皆有一也病時可服二也鹽米本平常日用之物斷無氣體不合之弊三也價極便宜無論貧富皆可辦四也因此藥之便人也故樂爲傳之
錄研究員顧君少雲治愈陳姓女鎖喉方案

風毒久伏不洩肺金受燠項間漫腫勢猛痰涎壅塞咽喉腫痛氣喘欬逆胃液枯耗肝風內動風扇火焰燎原之勢危在旦夕脉數苔黃焦糙症係風毒內陷經十餘醫家治